

PROGRAMMA

Q V O

PRORECTOR

Universitatis Rostochiensis

JOACHIMUS STOCK-

MANNUS, Medic. D. & Prof.

ab

*Impiis Bacchanalium feriis &  
turpi luxu*

CIVES ACADEMICOS

seriò dehortatur.



ROSTOCHI,

Typis NICOLAI KILII, Acad. Typog.

Anno M. DC. LII.

58700(8)







**I**luxit iterum

tempus illud , quo  
salutarem Passionis &  
mortis Dominicæ memo-  
riam , debitâ cum devo-  
rione , recoli vult Eccle-  
sia. Si enim quotannis

Israëlitides puellæ ad Jephthes filiæ bultum tristi  
agmine conveniebant , ut lamentis suis ac gemi-  
tibus funestam atque lugubrem ejus mortem ,  
quæ innocens manu patris DEO fuerat immola-  
ta , deplorarent ; quî non & nos Christiani jun-  
ctis animis congregati CHRISTI Domini sor-  
tem quotannis defleremus , qui innocens , ac nul-  
lo suo delicto , pro hominibus DEUS , pro subdi-  
tis Imperator , pro servis Dominus , pro fontibus  
insons execrabili morte est immolatus ? Sane  
non ullum aliud tempus est , quo plus humano  
generi præstitum collatumque fuit , quàm hoc  
solemni ac sancto , quo nimirum per passio-  
nem ac mortem Conservatoris nostri , sanatum.



est vulnus Adami, expurgata est humani generis lepra, placata est æterni patris ira. Quamquam igitur universa quidem Christiani hominis vita jejunium perpetuum esse debeat: tamen hoc tempore cum primis danda diligentius opera est sobrietati & abstinentiæ, ut redemptionis nostræ mysterio paullò accuratius considerando animus rite vacare queat. Ad quam profecto curam erigere sese atque componere non possunt ii, qui unicum ventris curant dolium, & fumantis stomachi culinam, nec ullos pœnenorunt jam ac colunt Deos, præter Edusam & Potinam: verbo, qui Bacchanalia vivunt vel ipsis gentilibus detestata; quippe qui animam siccam optimam & sapientissimam statuebant. Et illi reverà quid aliud sunt

*Quàm curvæ interris anima, & cœlestium inanes?*  
ventris inertis mancipia, pessimi idololatæ, qui religiosissimum Christianorum nomen mentiuntur, dum pro CHRISTO Bacchum, pro cœlo ventrem colunt, & adulterinâ quadam licentia in luxum omnem ac petulantiam dissolvuntur. Casta mens DEUS est, in casto etiam ac sobrio pectore sedem sibi figere unicè amat. At nunquam ego castum, inquit doctor ille aurei oris, ebrium putabo. Et ubi ebrietas, ait idem alicubi



alicubi, ibi Diabolus. Ecquid verò commercii  
CHRISTO cum Belial? Cæterum quis non Dia-  
boli opus censeat, faciem fictam gestare, mentiri  
effigiem, divinam sapientissimi Opificis fabricam  
personatis pompis & ludicris dissimulare eo tem-  
pore, cum sanctissimæ Salvatoris tui faciei pu-  
tentia færentiaq; sputa tuâ causâ ingesta sunt?  
Quis non Diaboli negotium censeat eo tempore,  
quo jejunium olim CHRISTUS suscepit, se-  
questratâ omni pietate, abjectâ omni verecun-  
diâ, indulgere genio & gaudia carnis curare? Quis  
non impium penitus atq; detestandum pronun-  
ciet, cum æternus æterni DEI filius ad profun-  
dendum sanguinem suum properat, Christia-  
num commissionibus intempestivis disflue-  
re? cum pro scelere ac peccatis nostris passus  
& vitâ orbatus, quam tamen inspiraverat om-  
nibus, in scelera atque flagitia ultrò ruere eum,  
qui cum CHRISTO fædus pepigit? ad men-  
sam currere, & voluptatum res sectari, cum Ille  
ad crucem festinat? levitati ac nequitia permi-  
tere omnia, & corpus crapulâ distendere, cum  
Servatoris tui colaphis lividum, sanguine fœda-  
tum, flagris concisum vides. Ventrem cibis far-  
cire, cum ille famet? vina ructare, cum ille sitit?  
potando vigilare, cum ille orando? O impium.



omnino atque detestabilem ritum! O perditæ ac  
projectæ mentis homunciones, qui ad Satanæ  
opera peragenda eo modo sequuntur Faceffant  
hinc procul Bacchanalia, faceffant Orgia, Cybe-  
lia, Lupercalia faceffant! Bacchentur, insaniant,  
qui perire volunt, certè quibus vel mica pietatis  
est, quique nondum rationem omnem amise-  
runt, nunquam, confidimus, ad insanam illam  
libertatem & liberam insaniam descendunt. So-  
nabit in auribus ipsorum Sapientis illa minitan-  
tis vox: væ, væ, qui potentes estis ad bibendum  
vinum & viri fortes ad miscendam ebrietatem.  
Perpendent apud animum suum, quid monstrū  
illud atque portentum turpissimum, illa volun-  
taria rabies ebrietas sæpe designet, per quam non  
peccatum facit homo, sed ipse totus peccatum  
est. Ebrietas fomentum libidinis, incentivum in-  
sanix, venenum insipientix Ex ebrietate sæpe-  
numero contumeliæ acriæ, quæ, ut ait Tacitus,  
rarò conviciis, sæpius cæde & vulneribus transi-  
guntur. Multa enim faciunt ebrii, scribit Seneca,  
quibus sobrii erubescant. Exempli passim sunt  
obvia, è quibus unum adducere operæ visum fuit.  
Alexander sane Macedo Clitum charissimum sibi  
& fidelissimum inter epulas transfodit: & intel-  
lecto facinore mori voluit, certè debuit. Nimi-  
rum



rum quem tot præliatum dimiserant, intemperantia bibendi & ille Herculeus ac fatalis scyphus sepelivit.

Universos igitur ac singulos, qui apud nos studiorum gratiâ agitant, monemus & adhortamur sedulò, ut bacchanalia, proscenia omnis turpitudinis ejurent, ab helluandi, grassandi ac tumultuandi libidine, omniq; nequitiarum genere ac lasciviarum, quæ hoc tempore fervere præcipuè solent, abstineant; contra sobrietati, sanctimonix, pudori ac disciplinæ, quantum possunt, studeant. Circumferant in animis suis severissimum illud CHRISTI mandatum, quando vigilare nos jubet, cum nesciamus, quâ horâ Dominus venturus sit.

*O felix mortale genus, si semper haberet.*

*Æternum præ mente bonum, finemq; timeret.*

Latet una dies, ut observentur omnes, ut sanctius vivendo quisq; ita se paret, ne imparatus à novissimo die suo deprehendatur. Qualis enim quisq; hinc exit suo, talis invenietur in seculi hujus novissimo die.

*Quid si, cum vinis oculiq; animiq; natarent,*

*Extremum veberet flebilis hora diem?*

*Ut quemq; inveniet Judex, ita sede locabit.*

*Arbor, uti cecidit, deinde resecta jacet.*

Simus



Simus igitur ad virtutum opera sobrii, & dum  
vivimus, vigilemus necesse est. Quod enim hîc  
eligimus, postea habebimus: quod hîc seminavi-  
mus, ibi metemus. Confidimus autem CIVES  
nostros nonnisi sanctè ac sobriè, & continenter  
peracturos hoc tempus, atq; ita vitam institutu-  
ros esse, sicut decet illos, qui CHRISTUM  
Magistrum ac ducem suum sequuntur. Non lu-  
dis aut commestationibus, sed jejuniis ac preci-  
bus tempus hoc eget.

*Frenentur ergò corporum cupidines,*

*Deterfa ut intus emicet prudentia.*

*Sic excitato perspicax acumine*

*Liberq; flatu laxiore Spiritus*

*Rerum parentem rectius precabitur.*

Secus qui vixerint, improbitatis suæ dignas DEO  
vindici pœnas persolvent. Cogitent pessimo  
loco eorum res esse, de quorum desperatâ pravi-  
tate Angeli amarè flere ac lamentari coguntur:  
nisi pœnitentiæ medicina quærat, dum justitiæ  
adhuc sententia suspenditur, futurum omninò  
est, ut quibus prodesse non potuit correctio, non  
parcat abscissio. P. P. Dominicâ ESTO MIHI,

Anno recuperatæ gratiæ

clô loc LII.

—(o)—

